



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1400. usque ad annum 1415 - Unacum Dissertatione
Præliminari Ad Historiam Sæculi XV.

Fleury, Claude

August. Vind. [u.a.], 1767

VD18 90118286

§. 172. Sessio ultima. Synodus solvitur.

[urn:nbn:de:hbz:466:1-66281](https://nbn-resolving.org/urn:nbn:de:hbz:466:1-66281)

Sessione finita Pontifex alteram Synodum Sæcul. XV.
 Oecumenicam ad Mensẽ Aprilem anni A.C. 1409.
 millesimi quadringentesimi duodecimi,
 vel in hac eadem, vel in alia ad id com-
 moda civitate anno proximo decernenda,
 celebrandam indixit. Sessio vero se-
 quens ad septimam Augusti diem proro-
 gata est.

§. CLXXII.

Sessio ultima. Synodus solvitur.

Sessio hæc Pisani Concilii fuit ultima.
 Cardinalis de Chalanto nomine Papæ
 perlegit decretum, quo cautum esset, ne
 ulla immobilia Romanæ, vel aliarum Ec-
 clesiarum bona nec per Papam, nec per
 alios Prælatos alienari, aut oppignorari
 possent, usque ad proxime indictum Con-
 cilium. Præterea sancitum, ut a Metro-
 politanis Provinciales congregarentur Sy-
 nodi, Religiosi sua celebrarent capitula
 juxta Constitutiones Honorii III & Bene-
 dicti XII, quibus Viri a summo Pontifice
 deputandi præesse deberent. Item, ad
 Reges & Principes mittendos esse nun-
 cios, qui hujus Pisanae Synodi acta per-
 ferrent, & exequenda curarent.

Tandem Pontifex omnibus tam huic
 Concilio præsentibus, quam eidem adhæ-
 suris, plenariam absolutionem a culpa &
 pœna

Sæcul. XV.
A.C. 1409

poena concessit; cum vero Ecclesiam in capite, & membris reformandi proposito propter plurium Prælatorum, Legatorum aliorumque discessum satisfacere non posset, hoc negotium ad proximum Concilium differebat, concessa interim cunctis Concilio assistentibus ad suos redeundi libertate.

§. CLXXIII.

*Concilium Pisanum a nonnullis re-
jectum.*

*S. Antonin.
Chronic.
part. 3. tit.
22. c. 5. §. II.*

His Pisana absolvebatur Synodus, que quamvis ab ingenti Doctorum numero approbata fuisset, nonnullorum tamen contradicendi libidinem effugere non poterat; nam, ut nil memoremus de Benedicto & Gregorio, quorum utique, ut eam rejicerent, plurimum intererat; Sanctus quoque Antoninus Pisanum Concilium legitimum non habuit. Cardinalis de Turre-cremata asseruit, sibi saltem persuaderi non posse, ut validum censeat Concilium, cui Pontificis auctoritas non accessisset. Cardinalis Bonifacius Ferrerius Sancti Vincentii Ferreri Frater, hanc Synodum tanquam conciliabulum, profanum coetum, hæreticum, maledictum, seditiosum, chimæricum, scandalosum, & diabolicum traducit, & si huic Cardinali creden-